

46. id nunc audi. Unde est origo animantium, a quo Univer-
sum hoc expansum, *hunc* suo *quisque* munere veneratus,
47. consummationem adipiscitur mortalis. Satius est suo of-
ficio, etsi deficientibus viribus, fungi, quam alienum officium
accurate implere. Sua ipsius indole determinatum opus per-
48. agens non incidit in peccatum. Connatum opus, Kuntidis
nate, quamvis cum culpa consociatum, ne quis deserat.
Omnia incepta mortalium nimirum culpa sunt involuta, sic-
49. uti ignis fumo. Inambitiose animatus, undique se conti-
nens, nullo cupidinum stimulo incitatus, ad otii consumma-
50. tionem summam abdicatione progreditur. Consummationem
adeptus, quomodo Numen perinde adipiscatur, id ex me
disce brevi comprehensum, Kuntidis nate: quae sedes scien-
51. tiaae summa est. Mente pura devotus, sonos et reliqua
eiusmodi dimittens, propensione et aversatione procul habitis,
52. solitudinem petens, levi victu utens, voce, corpore, ani-
moque coërcitis, in contemplationis devotionem intentus,
53. semper ad immunitatem ab affectibus applicatus, qui sui
fiduciam, violentiam, superbiam, libidinem, iram, avaritiam
expulit, sui commodi incuriosus, tranquillus, *is* ad divinam
54. conditionem conformatur. Numinis consors, serenus, nec
moeret, nec desiderat; aequabilis erga cuncta animantia mei
55. cultum accipit summum. *Eo* cultu me cognoscit, quantus
qualisque sim, penitus. Deinceps me penitus cognito, adit
56. me protinus. Is quoque, qui cuncta opera continuo per-
agit, me fretus, meo favore nanciscitur viam aeternam, nun-
57. quam fallentem. Cogitatione cunctis operibus in me depo-
sitis, mei studiosus, mentis devotione fretus, mei contem-
58. plator semper esto. Me contemplans omnia discrimina meo
favore traicies; at vero, sin tu prae tui fiducia me non aus-